



BUKU PANDUAN  
**TAKBIR RAYA**  
DAN  
**DOA ZIARAH**  
**TETAMU**

PEMANGKIN UMMAH SEJAHTERA

## ISI KANDUNGAN

Sejarah Takbir Raya & Waktu Bertakbir.....	1
Takbir Raya.....	2
Adab Pada Hari Raya.....	5
Doa Tetamu Kepada Tuan Rumah.....	7
Doa Mohon Perlindungan....	8
Adab Ketika Ziarah Kubur....	9

## **Sejarah Takbir Raya**

Takbir raya ada kaitannya dengan sejarah perang Khandaq atau Ahzab. Ia berlaku pada bulan Syawal tahun kelima hijrah. Sebaik kemenangan berpihak kepada tentera Islam, Rasulullah SAW bersabda, "Allahuakbar, bergembiralah wahai orang-orang muslimin dengan kemenangan dan pertolongan daripada Allah SWT." Tentera Islam pun melaungkan takbir sebagai tanda syukur dan terima kasih kepada Allah atas bantuan serta kemenangan yang diberikan. Maka takbir raya yang kita dengar saban tahun ketika menjelang Aidilfitri adalah takbir yang sama yang dilaungkan oleh tentera Islam dalam perang Khandaq.

## **Waktu Bertakbir**

- 1. Hari Raya Aidiladha:** Waktu Takbir Muqayyad bagi Hari Raya Aidiladha bermula pada waktu Subuh Hari Arafah, 9 Zulhijjah sehinggalah waktu Asar 13 Zulhijjah.
- 2. Hari Raya Aidilfitri:** Waktu Takbir Mursal bermula selepas waktu Maghrib 1 Syawal sehinggalah takbiratul-ihram bagi solat Hari Raya Aidilfitri.

## TAKBIR RAYA

اللَّهُ أَكْبَرُ اللَّهُ أَكْبَرُ اللَّهُ أَكْبَرُ

Allah Maha Besar, Allah Maha Besar, Allah Maha Besar

لَا إِلَهَ إِلَّا اللَّهُ وَاللَّهُ أَكْبَرُ

Tidak ada Tuhan melainkan Allah  
dan Allah Maha Besar

اللَّهُ أَكْبَرُ وَلِلَّهِ الْحَمْدُ

Allah Maha Besar dan  
bagi Allah segala puji-pujian

\*\*\*\*\* 3 kali \*\*\*\*\*

اللَّهُ أَكْبَرُ اللَّهُ أَكْبَرُ اللَّهُ أَكْبَرُ

Allah Maha Besar, Allah Maha Besar, Allah Maha Besar

اللَّهُ أَكْبَرُ كَبِيرًا

Allah Maha Besar sebesar-besarnya

وَالْحَمْدُ لِلَّهِ كَثِيرًا

Dan segala puji bagi Allah sebanyak-banyaknya

وَسُبْحَانَ اللَّهِ بُكْرَةً وَأَصِيلًا

Dan Maha Suci Allah pagi dan petang

لَا إِلَهَ إِلَّا اللَّهُ

Tidak ada Tuhan melainkan Allah

وَلَا نَعْبُدُ إِلَّا إِيَّاهُ

kami tidak menyembah kecuali kepada-Nya

مُخْلِصِينَ لَهُ الدِّينَ

Dengan ikhlas untuk agama (Islam)

وَلَوْ كَرِهَ الْكَافِرُونَ

Walaupun dibenci oleh golongan kafir

لَا إِلَهَ إِلَّا اللَّهُ وَحْدَهُ

Tidak ada Tuhan melainkan Allah yang Esa

صَدَقَ وَعْدُهُ

yang benar janji-Nya

وَنَصَرَ عَبْدَهُ

dan yang menolong hamba-Nya

وَأَعَزَّ جُنْدَهُ

dan yang memuliakan tentera-tentera-Nya  
(tentera Muslimin)

وَهَزَمَ الْأَحْزَابَ وَحَدَهُ

dengan mengalahkan tentera Ahzab  
dengan keesaan-Nya

لَا إِلَهَ إِلَّا اللَّهُ وَاللَّهُ أَكْبَرُ

Tidak ada Tuhan melainkan Allah dan  
Allah Maha Besar

اللَّهُ أَكْبَرُ وَلِلَّهِ الْحَمْدُ

Allah Maha Besar dan  
bagi Allah segala puji-pujian

### **Adab Pada Hari Raya**

- Mandi, memakai bau-bauan dan memakai pakaian yang baru.
- Bersegera ke masjid pada pagi hari raya.
- Sunat makan sedikit makanan sebelum solat Aidilfitri, manakala Aidiladha pula tidak disunatkan makan dan minum sehingga selesai solat.
- Berjalan kaki ke masjid dan balik semula melalui jalan yang lain.
- Saling mengucapkan tahniah dan doa antara satu sama lain.
- Makruh bagi imam bersolat sunat sebelum solat hari raya, manakala tidak makruh bagi orang lain.

### **Antara Kesilapan Adab Pada Hari Raya**

- Banyak menonton rancangan televisyen
- Tidak menutup aurat atau berpakaian tidak mengikut syariat Islam.
- Memasang lagu-lagu dan nyanyian hari raya yang kurang sopan dan berlebih-lebihan dalam berhibur atas nama hari raya.

- Berziarah dalam tempoh masa yang amat panjang sehingga mengganggu tuan rumah.
- Membandingkan kelazatan makanan antara satu rumah dengan rumah yang lain.
- Bersalaman antara yang bukan mahram
- Pergi beraya di rumah seseorang sehingga lupa untuk menunaikan solat fardu dan melambatkan solat pada waktunya.
- Merayakan hari raya sehingga sebulan dan tidak lagi mampu untuk menunaikan puasa sunat 6 hari dalam bulan Syawal.
- Berlebih-lebihan dalam berpakaian sehingg menampakkan kemewahan yang melampau hingga membawa perasaan takbur, riak dan sombong.
- Berkumpul secara beramai-ramai tanpa faedah dan tidak menghiraukan orang lain.



## Doa Tetamu Kepada Tuan Rumah

Dari Abdullah bin Busr, dia bercerita Rasulullah SAW pernah singgah di rumah bapaku, maka kami menjamu kepada Baginda makanan dan adunan kurma gandum. Baginda pun memakannya. Kemudian dijamu kurma kering, baginda pun memakannya dan membuang biji dengan dua jari, jari telunjuk dan jari tengah. Kemudian dijamu minuman dan baginda meminumnya. Setelah itu, baginda meletakkan ke samping kanannya. Ketika ingin pulang, beliau berkata: "Doakan kami Wahai Rasulullah." Lalu Rasulullah SAW mendoakan mereka:

اللَّهُمَّ بَارِكْ لَهُمْ فِي مَا رَزَقْتَهُمْ  
وَاعْفِرْ لَهُمْ وَارْحَمْهُمْ

Maksudnya: *"Ya Allah berkatilah mereka dengan rezeki yang engkau berikan kepada mereka, ampunilah mereka dan rahmatilah mereka."*

**(Riwayat Muslim)**

## Doa Mohon Perlindungan

Daripada Khaulah binti Hakim Al-Sulamiyyah R.Anha, beliau mendengar Nabi SAW bersabda yang bermaksud, “Barangsiapa yang tiba di suatu tempat, lalu dia membaca: Aku memohon perlindungan daripada kalimah-kalimah-Mu yang sempurna daripada sebarang kejahatan yang diciptakan. Maka dia tidak akan ditimpa mudharat sehinggalah dia keluar daripada tempat tersebut.”

أَعُوذُ بِكَلِمَاتِ اللَّهِ التَّامَّاتِ مِنْ شَرِّ مَا خَلَقَ

Maksudnya: “Aku memohon perlindungan daripada kalimah-kalimah-Mu yang sempurna daripada sebarang kejahatan yang diciptakan.”

**(Riwayat Muslim, Imam al-Tirmizi dan Imam Ibn Majah)**

## **ADAB & LARANGAN SEMASA ZIARAH KUBUR**

- Berpakaian sopan dan menutup aurat.
- Memberi salam kepada penghuni kubur.
- Bagi perempuan yang hendak menziarahi kubur sebaiknya ditemani suami ataupun mahramnya serta menjaga diri dari tabarruj (berhias secara berlebihan).
- Menjaga kebersihan kawasan perkuburan dan persekitarannya.
- Dilarang meratap dan meraung.
- Makruh duduk di atas kubur, melangkah kubur dan bersandar pada kubur.





Salurkan sumbangan anda kepada:

**TABUNG SUKARELAWAN MASJID SUKMAS**  
(Bank Rakyat - Masjid Negeri 110212011251)



Follow dan Like kami di:



Diterbitkan Oleh:



Cetakan 1/2021